



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE

Broj: 01-05-4-392-/193

Datum: 04.03.2019. godine

**Z A P I S N I K**  
**SA 26. SJEDNICE OPĆINSKOG VIJEĆA TEŠANJ, ODRŽANE**  
**DANA 28.02.2019. GODINE (četvrtak), S POČETKOM U 13,00 SATI,**  
**U SALI OPĆINSKOG VIJEĆA TEŠANJ**

Sjednici prisustvovala 23 vijećnika. (Vijećnik Jupić Mirano prisutan od 13,15 sati).

Odsutan: Klepić Šemsudin i Hodžić Enes.

**GOSTI:** Predstavnik Udruženja privrednika Biznis centar Tešanj Ajanović Mesud i predsjednik Općinskog suda Tešanj Popović Zdravko.

**Sjednici prisustvovali:** Općinski načelnik Suad Huskić sa saradnicima.

**SREDSTVA JAVNOG INFORMISANJA:**

Predstavnici TV "Smart" Tešanj.

Elektronsko glasanje, vremensko praćenje diskusija i zapisnik vodi Sajda Klepić.

Sjednicom predsjedava predsjedavajući Vijeća g-din Senad N. Subašić.

Nakon prijave vijećnika, Predsjedavajući Vijeća je konstatovao da današnjoj sjednici Vijeća prisustvuje 22 vijećnika, čime su se stekli uslovi za punovažno odlučivanje, otvorio 25. sjednicu Vijeća i proglasio je javnom.

U materijalima za 26. sjednicu dostavljena je Informacija o realizaciji odluka, rješenja i zaključaka koje je Vijeće usvojilo na 26. sjednici Općinskog vijeća. Materijal za Prijedlog Odluke o usvajanju plana kapitalnih investicija za 2019. godinu dostavljen dan poslije radi usaglašavanja prijedloga sa nekim mjesnim zajednicama kako je i najavljeno na sjednici Kolegija.

Materijali za sjednicu Općinskog vijeća su bili dostupni na web stranici Općine:

<http://www.opcina-tesanj.ba/uprava/opinsko-vijece/materijali-za-sjednice>

Sjednica Općinskog vijeća je emitovana u programu TV "Smart" Tešanj u terminima - subota,

02.03.2019. godine u 21,00 sat i nedjelja, 03.03.2019. godine u 14,00 sati.

**Ad. A**

**Općinsko vijeće je sa 18 glasova "ZA", bez glasova "PROTIV" i 4 glasa "UZDRŽAN" usvojilo sljedeći**

**ZAKLJUČAK**

**Usvaja se Zapisnik sa 25. sjednice Općinskog vijeća Tešanj.**

**Dnevni red**

Predsjedavajući vijeća je prije rasprave o dnevnom redu napomenuo

- da je u Sazivu 26. sjednice promakla tehnička greška u nazivu 8. tačke dnevnog reda Informacija o stanju bezbjednosti na području općine Tešanj - gdje umjesto riječi "za I polugodište 2019. godine", treba da stoji "za period januar-decembar 2018. godine", o čemu su vijećnici već obaviješteni,
- da je na sjednici Kolegija usaglašen dnevni red za 26. sjednicu 9. tačaka ali da je na istoj sjednici usvojen zaključak da se u Dnevni red 26. sjednice Općinskog vijeća Tešanj pod tačkom 1. uvrsti Izjašnjavaње o Prijedlogu Odluke o ukidanju statusa Javnog dobra-put i Prijedlog Odluke o prodaji zemljišta označenog kao k.p. broj: 195/2 k.o. Rosulje neposrednom pogodbom

Na prijedlog Kluba vijećnika SDP pauza u radu Vijeća trajala od 13,15 do 13,25 sati.

**Na prijedlog Predsjedavajućeg Općinsko vijeće je sa 13 glasova "ZA", 3 glasa "PROTIV" i 7 glasova "UZDRŽAN" usvojilo sljedeći**

#### **ZAKLJUČAK**

**Da se u Dnevni red 26.sjednice Općinskog vijeća Tešanj pod tačkom 1. uvrsti Izjašnjanje o Prijedlogu Odluke o ukidanju statusa Javnog dobra-put i Prijedlog Odluke o prodaji zemljišta označenog kao k.p. broj: 195/2 k.o. Rosulje neposrednom pogodbom.**

Općinsko vijeće sa 9 glasova "ZA", 13 glasova "PROTIV" bez glasova "UZDRŽAN" nije usvojilo prijedlog vijećnika Alić Hajrudina u ime Kluba vijećnika SBiH da se sa dnevnog reda skine 9.tačka Nacrt Odluke o komunalnoj naknadi.

**Općinsko vijeće je sa 15 glasa "ZA", 6 glasova "PROTIV" i 1 glasom "UZDRŽAN" usvojilo sljedeći dnevni red:**

1. Izjašnjanje o Prijedlogu Odluke o ukidanju statusa Javnog dobra-put i Prijedlog Odluke o prodaji zemljišta označenog kao k.p. broj: 195/2 k.o. Rosulje neposrednom pogodbom,
2. Prijedlog Odluke o izmjenama i dopunama Odluke o zagrijavanju Tešnja daljinskim grijanjem i uslovima za isporuku i preuzimanje toplotne energije,
3. Prijedlog Odluke o usvajanju plana kapitalnih investicija za 2019.godinu,
4. Prijedlog Odluke kojom se utvrđuje da je od javnog interesa izgradnja sportsko rekreacionog centra u Orašje Planjama, općina Tešanj,
5. Prijedlog Odluke o davanju zemljišta u Bukvi na korištenje firmi "MADI" d.o.o. Tešanj,
6. Prijedlog Odluke kojom se odobrava prodaja i raspisivanje Javnog konkursa za parcelu broj 5/35 u Poslovnoj zoni Bukva,
7. Prijedlog Odluke o prodaji zemljišta označenog kao k.p. broj: 1128/18 k.o. Miljanovci Donji neposrednom pogodbom,
8. Nacrt Odluke o komunalnoj naknadi,
9. Informacija o stanju bezbjednosti na području općine Tešanj za I polugodište 2019. godine i bezbjednosti učesnika u saobraćaju na području općine Tešanj,
10. Informacija o radu Općinskog suda Tešanj za 2018.godinu.

#### **Ad. 1**

Izjašnjanje o Prijedlogu Odluke o ukidanju statusa Javnog dobra-put i Prijedlog Odluke o prodaji zemljišta označenog kao k.p. broj: 195/2 k.o. Rosulje neposrednom pogodbom.

**Općinsko vijeće je sa 13 glasova "ZA", 3 glasa "PROTIV" 7 glasova "UZDRŽAN" usvojilo sljedeći**

#### **ZAKLJUČAK**

**Usvaja se Prijedlog Odluke o ukidanju statusa Javnog dobra-put označenog kao k.p. broj: 195/2 k.o. Rosulje.**

**Općinsko vijeće je sa 13 glasova "ZA", 3 glasa "PROTIV" 7 glasova "UZDRŽAN" usvojilo sljedeći**

#### **ZAKLJUČAK**

**Usvaja se Prijedlog Odluke o prodaji zemljišta označenog kao k.p. broj: 195/2 k.o. Rosulje neposrednom pogodbom**

#### **Ad.2**

Pomoćnik Načelnika Hojkurić Hamzalija dodatno obrazložio Prijedlog Odluke o izmjenama i dopunama Odluke o zagrijavanju Tešnja daljinskim grijanjem i uslovima za isporuku i preuzimanje toplotne energije.

U raspravi učestvovali vijećnici: Alić Munevera, Hasanbašić Senad, Jupić Mirano i pomoćnik Načelnika Hojkurić Hamzalija.



**Općinsko vijeće je jednoglasno sa 23 glasa "ZA", bez glasova "PROTIV", i "UZDRŽAN" usvojilo sljedeći**

### **ZAKLJUČAK**

**Usvaja se Prijedlog Odluke o izmjenama i dopunama Odluke o zagrijavanju Tešnja daljinskim grijanjem i uslovima za isporuku i preuzimanje toplotne energije.**

#### **Ad. 3**

Općinski načelnik dodatno uz prezentaciju obrazložio Prijedlog Odluke o usvajanju plana kapitalnih investicija za 2019.godinu. uz napomenu da je zbog ukazane potrebe uložio dva Amandmana.

Amandman 1. glasi:

1. Mijenja se Naziv projekta prijedloga Odluke o usvajanju Plana kapitalnih investicija, odjeljak Liste kapitalnih investicija A) Mjesne zajednice, stavka 10. MZ Jelah – umjesto „Izgradnja trotoara u ulici Muse Čazima Čatića" mijenja se u "Nastavak izgradnje novog puta".
2. Mijenja se Naziv projekta prijedloga Odluke o usvajanju Plana kapitalnih investicija, odjeljak Liste kapitalnih investicija A) Mjesne zajednice, stavka 11. MZ Jelah – umjesto „Asfaltiranje ul. Teslička-II faza" mijenja se u "Asfaltiranje puteva u Mračaju-Potočani (NC 304 i NC 300)"

Amandman 2. glasi: Mijenja se Naziv projekta prijedloga Odluke o usvajanju Plana kapitalnih investicija, odjeljak Liste kapitalnih investicija A) Mjesne zajednice, stavka 18. MZ Ljetinić – umjesto „Uređenje sportskog poligona" mijenja se u "Asfaltiranje puta Čamdžići Ljeskovac".

O Amandmanima Općinskog načelnika nije bilo izjašnjavanja oni postaju sastavni dio Odluke.

U raspravi učestvovali vijećnici: Pilav Elvir, Huskić Kasim, Hasanbašić Senad, Alić Hajrudin, Solo Fahir, Alić Munevera, Hrnjić Muris, Piro Amir i Općinski načelnik.

**Općinsko vijeće je jednoglasno sa 23 glasa "ZA", bez glasova "PROTIV" i "UZDRŽAN" usvojilo sljedeći**

### **ZAKLJUČAK**

**Usvaja se Prijedlog Odluke o usvajanju plana kapitalnih investicija za 2019.godinu.**

#### **Ad. 4**

Pomoćnik Načelnika Medarić Nadir dodatno obrazložio Prijedlog Odluke kojom se utvrđuje da je od javnog interesa izgradnja sportsko rekreacionog centra u Orašje Planjama, općina Tešanj,

Bez rasprave, **Općinsko vijeće je sa 21 glasom "ZA", bez glasova "PROTIV" i glasova "UZDRŽAN", usvojilo sljedeći**

### **ZAKLJUČAK**

**Usvaja se Prijedlog Odluke kojom se utvrđuje da je od javnog interesa izgradnja sportsko rekreacionog centra u Orašje Planjama, općina Tešanj.**

#### **Ad. 5**

Prijedlog Odluke o davanju zemljišta u Bukvi na korištenje firmi "MADI" d.o.o. Tešanj.

Bez rasprave, **Općinsko vijeće je jednoglasno sa 17 glasova "ZA", bez glasova "PROTIV" i 5 glasova "UZDRŽAN", usvojilo sljedeći**

### **ZAKLJUČAK**

**Usvaja se Prijedlog Odluke o davanju zemljišta u Bukvi na korištenje firmi "MADI" d.o.o. Tešanj.**

**Ad. 6**

Bez rasprave, Općinsko vijeće je sa 22 glasa "ZA", bez glasova "PROTIV" i glasova "UZDRŽAN" usvojilo sljedeći

**ZAKLJUČAK**

Usvaja se Prijedlog Odluke kojom se odobrava prodaja i raspisivanje Javnog konkursa za parcelu broj 5/35 u Poslovnoj zoni Bukva.

**Ad. 7**

Bez rasprave, Općinsko vijeće je jednoglasno sa 22 glasa "ZA", bez glasova "PROTIV" i glasova "UZDRŽAN" usvojilo sljedeći

**ZAKLJUČAK**

Usvaja se Prijedlog Odluke o prodaji zemljišta označenog kao k.p. broj: 1128/18 k.o. Miljanovci Donji neposrednom pogodbom.

**Ad.8**

Općinski načelnik je dodatno obrazložio Nacrt Odluke o komunalnoj naknadi.

U raspravi učestvovali vijećnici: Hrnjić Muris, Alić Hajrudin, Solo Fahir, Huskić Kasim, Kotorić Esmir, Kurtić Amir, Deljić Nermin, Piro Amir i Subašić Senad.

Nakon pauze u radu Vijeća koja je trajala od 15,46 do 16,00 sati, vijećnik Piro Amir u ime Kluba vijećnika SBB i A SDA je saopštio da predlože zaključak da od ovog momenta prestane finansiranje političkih stranaka iz Budžeta općine Tešanj uz obrazloženje da time žele izaći u susret građanima, privrednicima, socijalnim kategorijama i ostalim, da nebi dolazilo do novih nameta. Napomenuo je da se time dobiva cca od 81.000 i kad se tome doda po jedan vijećnički paušal dolazi se do cca oko 100.000 što je pola od komunalne naknade. Zamolio da se vijeće izjasni o ovom prijedlogu zaključka.

O ovom prijedlogu zaključka je diskutovao vijećnik Pašić Danijel i Piro Amir. Predsjedavajući vijeća je konstatovao da se ovaj prijedlog zaključka ne odnosi direktno na prijedlog Odluke te da po odredbama Poslovnika ovaj prijedlog treba da se podnese u formi inicijative.

Na prijedlog Općinskog načelnika, Općinsko vijeće je sa 12 glasova "ZA", 7 glasova "PROTIV" i 4 glasa "UZDRŽAN" usvojilo sljedeći

**ZAKLJUČAK**

1. Općinsko vijeće usvaja Odluku o komunalnim naknadama u formi nacrtu i upućuje istu u javnu raspravu u trajanju od 30 dana.
2. Pozivaju se svi zainteresovani da svoje prijedloge, primjedbe i sugestije iznesu tokom javne rasprave, kako bi bile uzete u obzir kod formiranja prijedloga Odluke.
3. Istovremeno Općinsko vijeće Tešanj i Općinski načelnik iskazuju namjeru i opredjeljenje općine Tešanj da ukupni prihodi po osnovu Odluke o komunalnim naknadama budu na približno istom nivou kao u prethodnim godinama po osnovu naknade za rentu, kako je i planirano u budžetu općine Tešanj za 2019.godinu. Pri tome je potrebno voditi računa i o pojedinačnim finansijskim opterećenjima svih obveznika, te je potrebno do razmatranja prijedloga odluke pripremiti kompletan pregled svih obveznika.

Na prijedlog Općinskog načelnika, Općinsko vijeće je sa 12 glasova "ZA", 7 glasova "PROTIV" i 4 glasa "UZDRŽAN" usvojilo sljedeći

**ZAKLJUČAK**

Usvaja se Nacrt Odluke o komunalnoj naknadi i upućuje na javnu raspravu u trajanju od 30 dana.



#### Ad.9

Bez rasprave, Općinsko vijeće je sa 16 glasova "ZA", 7 glasova "PROTIV" i 1 glasom "UZDRŽAN" usvojilo sljedeći

#### ZAKLJUČAK

Prima se na znanje Informacija o stanju bezbjednosti na području općine Tešanj za I polugodište 2019. godine i bezbjednosti učesnika u saobraćaju na području općine Tešanj,

#### Ad.10

Bez rasprave, Općinsko vijeće je sa 16 glasova "ZA", 7 glasova "PROTIV" i 1 glasom "UZDRŽAN" usvojilo sljedeći

#### ZAKLJUČAK

Prima se na znanje Informacija o radu Općinskog suda Tešanj za 2018.godinu

#### Ad. B

### VIJEĆNIČKA PITANJA

**Vijećnik Kasim Huskić** je zamolio da se o njegovoj vijećničkoj inicijativi za čišćenje i uređenje puteva prema koti Vrtače-Kicelj izjašnjavaju na narednoj sjednici.

**Vijećnik Kasim Huskić** je postavio vijećničku inicijativu za izjednačavanje dječijeg dodatka na prostoru FBiH.

**Vijećnik Kasim Huskić** je postavio vijećničku inicijativu - Zabrana rada kladionica na prostoru općine Tešanj od obrazovnih, zdravstvenih i vjerskih objekata na udaljenosti od 500,00 m.

**Vijećnik Hasan Galijašević** je konstatovao da nije dobio odgovor na vijećničku inicijativu za vraćanje spomen ploče Huseina Huse Hodžića na sportsku dvoranu u okviru kompleksa „Musala“. Predsjedavajući vijeća je odgovorio da se može odložiti do naredne sjednice.

**Vijećnik Galijašević Hasan** je podnio vijećničku inicijativu: „Za postavljanje zaštitne mreže na dijelu ceste od katoličke crkve prema Domu kulture.“

**Vijećnik Klepić Šemsudin** je dostavio vijećničku inicijativu da nadležna Općinska služba postavi fizičke prepreke tkzv, ležeće policajce na lokalnom putu u Novim Miljanovcima kod područne O.Š. „Džemal Bijedić“.

**Vijećnice Alić Munevere u ime Kluba vijećnika S BiH Tešanj** je postavila vijećničku inicijativu: Da se na dnevni red sljedeće sjednice Općinskog vijeća uvrsti tačka dnevnog reda: Odluka o izmjeni Odluke o nazivima i označavanju ulica, trgova i označavanju objekata brojevima na području Općine Tešanj.

**Vijećnik Galijašević Hasan** je postavio vijećničko pitanje: „Ko je zadužen za održavanje putne dionice na dijelu između kružnog toka pa do centra grada? Da li su poduzete mjere, ako nisu da li se planiraju, zbog loše izvedenih radova prilikom presvlačenja asfalta na toj dionici?“

**Vijećnik Deljić Nermin** je postavio vijećničko pitanje: „Zašto toliko godina poslije rata još uvijek nemamo hotel u Tešnju?“

**Vijećnik Deljković Nermin** je postavio vijećničko pitanje: „Zašto poznato tešanjско izletišće Kiseljak poznato i u bivšoj državi nema bolji sjaj?“

**Vijećnik Deljković Nermin** je postavio vijećničko pitanje: „Zašto europski Tešanj preko 20 godina nakon rata nije zanovio i nema JU Obdanište?“

**Vijećnik Hasanbašić Senad** je postavio vijećničko pitanje: „Obzirom da je MZ Trepče sa prethodnim direktorom JU Dom zdravlja Tešanj dogovorila angažovanje ljekara u ambulanti Trepče tri puta sedmično i za isto obezbijedila sve dogovorene preduslove, zašto Dom zdravlja ovaj dogovor još uvijek nije realizovao?“

**Vijećnik Kurdić Adem** je postavio vijećničko pitanje: U čijem vlasništvu su parcele broj: 809 k.o. Kalošević, 807 k.o. Kalošević, 896/1 k.o. Bobare i 896/2 k.o. Bobare, koja je dunumaža i koji je status pomenutih parcela?

**Vijećnik Pilav Elvir** je postavio vijećničko pitanje: „Zbog čega je poništen Oglas, raspisan 9.februara 2019.godine, koji se odnosi na poziciju Diplomirani edukator-rehabilitator u Centru za rani rast i razvoj?“

Nakon toga, predsjedavajući Vijeća se svima zahvalio na prisustvovanju današnjoj sjednici i zaključio rad dvadesetpete sjednice Općinskog vijeća Tešanj u 16:00 h.

Zapisnik sačinila:

Sajda Klepić



**PREDSJEDAVAJUĆI VIJEĆA**  
**Senad N. Subašić, dipl.oec.**

